

Kugbɔ̀nkpɛ̀ku kùà

Pìer

kɛ̀le' kù nɔ̀

Nà wɔ̀ngɛh kugbɔ̀nku kuu te ma bo

Pìer yé Yesu Kristo ya tond nɛ. U kɛ̀le' kugbɔ̀nku kuu ki de' Kristo yaab bà te Asi ya tɛnfɛnm ni nɔ̀. Bi jènde' bɛ ki gbien' kime bi teke' Kristo ki jin' (1:1; 2:11). Nɛn bo nɛ Pier kɛ̀le' kugbɔ̀nku kuu wɔ̀ n saake bi'gbenɛnt kí tore bɛ bi'tekjim nin bi'dɛndɛnl ni.

U ye Yesu Kristo ya mɛkrm bitɛnkpɛ̀ib ni nɔ̀ nɛ yé lidɛndɛnl nɔ̀. Lɛn nɛ cèreh binib tuonh isuk nin bi teh bɛ fɛnfɛnm wà nɔ̀ tɛn Yesu. U tɔ̀ke' bɛ ki ye bɛ n tɛkn Yesu Kristo ya taal ni.

Iyonbe yà ya cɛnbaambe ɲa yé Kristo yaab nin bipiib bà ya ciɛb ɲa yé Kristo yaab ben wɔ̀n, bi'tetɛm nɛ li cèrɛ binitɔ̀b n bɛnde mitekjim yé nibonn nà. Mi ya tetɛm nɛ wɔ̀ngɛh bà ɲa yé Kristo yaab ki teh Kristo yaab ɲa ɲmɔ̀be biil.

Ifuonde

¹ Min Pier, n yé *Yesu Kristo ya tond nɛ. N kɛ̀h kugbɔ̀nku kuu n de ninbi bà Uwien gènde' nɛ ni yere' ki te Pɔ̀nt nin Galasi nin Kapadosi nin Asi nin Bitini ya tɛnfɛnm ni, ki yé bicɛnb ni'bó nɔ̀ nɛ. ² Baa Uwien là bobn' ki gènde' nɛ haali uyoyo ní li yé u'yaab *Mifuoñaanm bo, kí li boh *Yesu Kristo ɲɔ̀ u'sèm n sɔ̀kre kí lùore nɛ nɛ. Uwien n juoke nɛ kí gbien, kí de nɛ uyɛnduɔ̀n mɔ̀ kí gbien.

Uwien muɔ̀' tɛ micɛɛkm ki ɲmien' tɛ

³ Tí pèke mɛn Uwien ti'Yonbdaan *Yesu Kristo ya Baa. U'nimɔ̀ncient bo nɛ u cèrɛ' ti maa' ki lere' kí ñɛ *Yesu

Kristo ya mekrm bitenkpiib ni bo, ɲə tí li ɲməbe lidendenl là ɲa ɲməbe juorm, ⁴ kí lɛ lifaal là mən, ka ń saa, jəknt mə ɲa ń kə lè. U bonde' lifaal nnə ki ble' nɛ paaki bó nɛ. ⁵ Nɛ kí ñɛ mitekjim bo Uwien gu nɛ nin u'tuəm, ki gu ufəforyo, uyo wà u li wuən upaan bo kí ye ni ɲmɛrɛ'.

⁶ Nɛn bo nɛ ni poknh. Nì yé mibiikm kɛ ya bol saah ni'yɛnm fɛnfɛnnə mənən la, mibiikm nnə ɲa ń wuəke. ⁷ Mɛn nɛ wəngɛh ki teh ni ɲməbe mitekjim mənəmnm bii na ɲməbe. Miñðkm yé nibonn nà ɲa ń li tuu ki te nɛ. Ama bi dondeh mɛ nɛ kí bɛndɛ m̀ mən bii ma mən-i. Ni'tekjim nnə cɛn' miñðkm. Ni'tekjim nnə bo nɛ, lidaali là *Yesu Kristo li ñɛn u'ba upaan bo nnə, ni li ɲməbe kupɛnpɛku nin ukpiɛke nin lisel. ⁸ Wən wà na laa' wə, ki yíe wə, ki teke' wə ki jin' ka laan l̀ biɛ ki laa' wə. Nɛn bo nɛ ni te uyensəngciɛn wà ta bɛn ti li taa iñəbon yà kí təkɛ u'gber nnə ni ki poknh. ⁹ Nnə nɛ ni laa' nà bo ni teke' *Yesu ki jin'. Nɛn si: ni'ɲmiɛnm.

¹⁰ *Uwien ya ñəbonsəknb là tùərə' ki fiin' miɲmiɛnm bugbɛn ya gber, nɛ ki səkɲ' nɛ Uwien bonde' wə ń de nɛ bupaabu bùa nnə ya gber. ¹¹ Bi là fiin' bɛ ń bɛndɛ Kristo ya Fuoñaanm te bi'ni ki təkɛ' bɛ nà kɛ nnə li tien uyo wà nin ǹ li tien ma bo nɛ. M̀ là juə' ki təkɛ' bɛ Kristo lá li ji ijɛnd yà nin ni ya puoli bó u li lɛ ukpiɛke wà nnə ya gber nɛ. ¹² Uwien là kpiire' ki təkɛ' biñəbonsəknb nnə ki ye tigber nnə ɲa yé bɛn nin bi'yul jaar, tù yé bi səkndɛh tù ninbi bà nnə jaar nɛ. Fɛnfɛnnə bà təkɛh tigbɛmənəmnt nnə nɛ təkɛ' nɛ tigber nnə kí ñɛ *Mifuoñaanm ya tuəm bo. Uwien nɛ cèrɛ' *Mifuoñaanm nnə ñɛn' paaki bó ki jiire' ní. U'tondb mənən ya nun m̀n bɛ ń bɛndɛ tigber nnə ya tingi nɛ.

Li ɲməbe mɛn mitetəmənəmnm

¹³ Nen bo, bonde men kí li gu, kí li co ni'ba, kí li ηmòbe lidèndènl kí tì gben kí ye ni li lé bupaabu lidaali là *Yesu Kristo li ñen u'ba upaan bo nnò. ¹⁴ Ni yé binib bà boh Uwien ma nnò, ji rí dàan men na laan là ben Wien ηò ki teh tibont tà ni'yenm yíe ma bo nnò. ¹⁵ Ama ni la li ηmòbe jòknt ni'tetem ke ni kime Uwien wà yin' ne nnò ηa ηmòbe jòknt, ¹⁶ kime nì kele' *Uwien ya gbònkú ni ki ye: «Li yé men biñaanb, kime u yé uñaan ne.»

¹⁷ Ni'kaare ni, ni yih Uwien wà ηa gèndeh, ki bùh unil ke u'tùon kpe ma bo ni'Baa ma nnò, li ηmòbe men mitetem mà wòngèh ki teh ni boh Uwien uyo wà ni laan te kitink kie bo nò. ¹⁸ Ní li ben kí ye Uwien ηa taa' tibont tà ηa li tuu ki te ten ilike ya kur bii miñòkm ne ki de' ne ki wie', ki ñen' ne ni là guòre' ni'yaajeb ya fuobm mà, ma ηmòbe mì kunh nà bó nnò ni. ¹⁹ Ama u taa' Kristo ya sèm mà mòn ki cen' nibonn ke ten kipebuk kà ya niba saan ηa gbè, ka ηmòbe jòknt ne ki de' ne ki wie'. ²⁰ Uwien là gènde' wò ki laa' wà laan ñen' uηèndun, ne ki cèrè' ninbi bo, u taa' u'ba ki wuòn' idenforke yie nò. ²¹ Wòn bo ne ni teke' Uwien wà mekre' wò bitenkpiib ni, ki kpieke' wò nnò ki jin'. Nen bo ne ni teke' Uwien ki jin', ki ηmòbe u'bo lidèndènl.

²² Ni pe tigbèmənt bo ma nnò ne cèrè' na ηmòbe jòknt. Nen bo, ní li yíe tób imònmòn ten ninjieb yíe tób ma bo. Tùòre men kí li yíe tób nin ni'fèl ke. ²³ Uwien ya gber ne cèrè' ni maa' ki lere'. Tigber nnò ηa te ten nibonn nà li saa, tù tuu ki te ne ki dienh limiel. ²⁴ Nì kele' *Uwien ya gbònkú ni ki ye:

«Nisaal ke nisaal te ten timuòr ne,
ne nà ke yé u'bo ukpieke nnò
te ten mimòpuum.

Timuòr kuoreh ne tu'puum sokreh.

²⁵ Ama Yonbdaan ya gber tun tuu ki te uyo ke ne. Tigber nnò tun si: bi tòke' ne tigbèmənmònt tà nnò.»

2

¹ Nɛn bo, dàan mɛn mibiɛrm kɛ ya bol nin milɛrkjim kɛ ya bol, ki la ɲmɔbe ɲuɔn ilele, ki la ɲmɔbe nunfɔke, ki la lienh ki saah tɔb. ² Li febnh mɛn Uwien ya gbɛr bo tɛn kicɛnfɛndk febnh ma libiil bo. Uwien ya gbɛr tɛ tɛn mibiim mà mɔn nɛ, kí li cèrɛ ní kpéɛ kí lɛ limiɛl Uwien saan, ³ kime ni laa' Yonbdaan ɲmɔbe tinimɔnt ma bo.

Kristo te tɛn litɛnl nɛ ki co Uwien ya duku

⁴ Nɛkn mɛn Yonbdaan saan. U tɛ tɛn litɛnl là fuobe nɛ. Binib wie' lè, nɛ Uwien gɛndɛ' lè, li yé u'bo nibonmɔnn. ⁵ Ni'mɔ tɛ tɛn itɛn yà fuobe nɛ. Nɛn bo, cèrɛ mɛn Uwien ní taa nɛ kí mɛ *Mifuoɲaanm ya duku. Ní li yé licɛkl là Uwien gɛndɛ' lè ki tien' bitɔtuɔrkaab, kí li tɛh ituɔrɛ ki dienh wɔ tɛn *Mifuoɲaanm ye ma bo, nɛ *Yesu Kristo bo, u li tuo ituɔrɛ nnɔ. ⁶ Kime nì kele' *Uwien ya gbɔnku ni ki ye: «Liike mɛn, n gɛndɛ' litɛnl là yé n'bo nibonmɔnn, ki tien' litɛnl là co kuduku, ki ble' Siyɔn ya du ni, wà kɛ du li'bo la, fɛ ɲa ní ji wɔ.»

⁷ Ninbi bà teke' ki jin' nnɔ, litɛnl nnɔ yé ni'bo nibonmɔnn nɛ. Ama bà ɲa teke' ki jin' nnɔ bo nɛ nì kele' ki ye: «Litɛnl là bidumɛb wie' lè nnɔ, lɛn lá tien' litɛnkpɛkl là co kuduku, ⁸ ki yé litɛnl là binib li lɛkeh li'bo, ki yé litɛnl là li gbɔbreh binib mɔ.» Bi li lɛkeh li'bo, kime ba tuo' Uwien ya gbɛr, nɛ Uwien sien' bɛ nnɔ. ⁹ Ama ninbi yé libol là Uwien gɛndɛ' lè nɛ, ki yé wɔn ubɛrciɛn ya tɔtuɔrkaab, ki yé linibol là tɛ ki de' wɔn baba, ki yé u'nib. U gɛndɛ' nɛ, ní li kpaandɛh u sɔn' itùonciɛn yà nnɔ nɛ.

Wɔn nɛ řɛn' nɛ licinřunl ni,
ki kuɔn' nɛ u'wenwenku kùà ñmɔbe kuñuɔrku nnɔ ni.

¹⁰ Uyo uba na là yé Uwien ya nib,
ama fɛnfɛnnɔ ni ji yé u'yaab nɛ,
na là yé u muɔ' binib bà micɛɛɛkm nnɔ,
ama fɛnfɛnnɔ ni ji yé u muɔ' binib bà micɛɛɛkm nɛ.

Li ñmɔbe mɛn mitetem mà wɔngɛh ki teh ni yé Uwien
ya nib

¹¹ N'jɔtiebɛ, ni yé bicɛnb nɛ kitink kie bo ki gèbreh. Nɛn
bo nɛ n sureh nɛ ní li coh ni'ba unisaal ya yɛnm pɛ tibont
tà bo, tù piendeh wɔ u la tien' Uwien yíe nà nnɔ bo. ¹² Ní
li ñmɔbe mitetemɔnmɔnm bà ña pɛ Wien bo ya nun bó,
ñɔ nì yé bi lienh ki saah nɛ isen iba ni ki teh ni teh nà bre
mɔnɔn la, bɛ ní lɛ ni'tùnmɔnmɔn kí pɛke Uwien u li baa
lidaali là.

¹³ Yonbdaan bo, ní li blinh ni'yul udu ya ciɛnb kɛ ciɛnb
ya nun bó. Bɛn si: ubercien, wɔn nɛ ñmɔbe ticiɛnt u'du ya
nib kɛ bo, ¹⁴ nin u kàan' binib bà idu ni bɛ ní li likeh yì, kí
li diɛh bà teh ibiɛre ya tub, kí li pɛkeh bà teh nà mɔn nnɔ.

¹⁵ Uwien yíe nà si: ní li teh nà mɔn, ñɔ nɛn bo, bà yé ijɔr,
ka bɛn niba nnɔ la fre kí yàare řɔbu. ¹⁶ Li yé mɛn binib bà
si bi'ba. Ni la dule nɛn bo kí li teh nà bre. Ama ní li fuobe
nì kpɛ Uwien ya tonsɔnb ní li fuobe ma bo. ¹⁷ Li diɛnh mɛn
unil kɛ lisel, kí li yíe ni'tɔb bà teke' Kristo ki jin', kí li boh
Uwien, kí li diɛnh ubercien lisel.

Tɛkn mɛn Yesu Kristo ya taal ni

¹⁸ Bitonsɔnbɛ, ní li blinh ni'yul ni'cɛnbaambe ya nun bó,
kí tùɔre kí li fɛngɛ bɛ. Na yé ní li teh nnɔ cɛnbaambe bà yé
binimɔnb, ki dinge baba nɛ, ní li teh nnɔ bà mɔ ya gber faa.
¹⁹ Kime unil ña bii' niba ñɔ bi jèndeh wɔ, u jin' kuminku
Uwien bo, ki tuo' ijɛnd nnɔ la, nì yé nibonn nà mɔn nɛ.
²⁰ Ni tien' nà bre ñɔ bi jèndeh nɛ, ni tuo' ijɛnd nnɔ la, ni
ñmɔbe ku lɛ pɛnpekú-u? Ama ni tien' nà mɔn ñɔ bi jèndeh

ne ni mìnɔde' ki tuo' ijend nno la, nen ne yé nà mɔn Uwien ya nun bó, ²¹ kime Uwien yin' ne ní sɔn nà nínɔ. Kristo mɔ jènde' ni'bo nno ne. U tien' nno ɔɔ ni'mɔ ní tekɔ u'taal ni ne. ²² Wɔn ɔa tien' biere, tonnenku mɔ ɔa ñen' u'ñibu ni fiebu. ²³ Bi suke' wɔ, wa jiin', ki jènde' wɔ, wa taa' jɛr, ama u taa' u'ba ki ɔukɔ wà buh tibuur tu'donbó ya nuɔ ni ne. ²⁴ Wɔn bugben ne taa' u'tiema gbenent ki teke' ti'biere udɔpɔnɔn bo, ɔɔ ibiere ji la ɔmɔbe ti'bo tuɔm, ɔɔ tí lɛ mifuobm mà cuube. U ya jend ya gbien ne cèrè' ni laa' laanfɛ.

²⁵ Imɔn, ni là te ten ipe yà cuon' ki yebre' ne, ama fɛnfennɔ ni liebe' ní wà kpaah ne, ki gu ne nno saan.

3

Bijɛb nin bi'puob li fuobe ma bo bi'dencɛn ni

¹ Bipiibe, ni'mɔ ní li blinh ni'yul ni'ciɛb ya nun bó, ɔɔ bi'ni biba ɔa teke' Uwien ya gber ki jin' mɔnɔn la, kí ñɛ bi'puob ya tetem bo, be ní teke tù kí ji, kí lɛ ba tɔke' be gber, ² kime bi li lɛ ni'tetem wien ma bo, ki ɔmɔbe mibom. ³ Ni la tuuke gbenent ya mɔnbe bo, ki findeh tiyur ki gbiekeh, ki fɛndeh ni'ba nin miñðkm ya jɛfɛnbont, ki guoh tikpɛlɛɛr tà ɔmɔbe kuñuɔrku. ⁴ Ama cèrè men ni'mɔnbe ní li te ni'fèl bo, ní li ɔmɔbe liyenguol, kí li te suoo. Nen ne yé umɔnbe wà ɔa ní winde, ki mɔn Uwien ya nun bó cɛɛn. ⁵ Nno ne uyo bo ya piib bà là yé Uwien ya nib, ki du u'bo nno, là ɔmɔbe u ya mɔnbe ne, kime bi là blinh bi'yul bi'ciɛb ya nun bó ne ⁶ ten Sara. Sara là boh *Abraham ne, ki yih wɔ u'cɛnbaa. Ni teh nà mɔn ka cèreh niba coh ne jɛwaanbu la, ni yé wɔn Sara ya bumu ne.

⁷ Piiciɛbe, ni'mɔ ní li fuobe nin ni'puob nin miyɛnfuom, kí li ben ki ye ba ɔmɔbe tuɔm. Li selndeh be men, kime ninbi nin ben ke li taan' kí lɛ Uwien ya paabu ne. Bun si:

limiel là ɲa ɲmɔbe gbenm. Ni teh nno la, niba ɲa ní pien ni'kaare.

Li teh μέν νὰ μὲν

⁸ N li len nà kí fɔre si: ni'ke ní li ɲmɔbe iyenmaalbaabe, kí li muɔh tɔb micεcekɔ, kí li yíe tɔb ten ninjieɔ yíe tɔb ma bo, kí li ɲmɔbe tinimɔnt tɔb bo, kí li jiindeh ni'ba tingi. ⁹ Ni la tien biεrm kí tu wà tien' nε mibiεrm lifēnl, kí la suke kí jiin wà suke' nε. Ni li teh nà si: ní li miεh Uwien ya mɔnm ki dienɲ udaan, kime Uwien yin' nε ní li teh nen nε, ɲɔ ninbi nin ni'yul ní lε Uwien ya mɔnm.

¹⁰ Kime nì keɛ' *Uwien ya gbɔnku ni ki ye:

«Wà yíe wɔ ní li fuobe kí li te liwiεl ni idaan ke la,

wɔ ní li coh u'lenl,

ki la cère tonnenku ní li ñεh u'ñɔbu ni,

¹¹ kí dàan nà bre,

kí li teh nà mɔn,

kí li nuunh uñɔkpaan nin inunmɔn.

¹² Kime Yonbdaan ya nun ce bigbemɔndenɔ bo,

nε u gbè itub ki cengeh bi'kaare bó.

Ama bà teh nà bre nno wɔn,

u bulnh ben ibuon nε.»

¹³ Ni'nun mɔn ní li teh nà mɔn la, ɲme li tien nε nà bre?

¹⁴ Nì tì baa' be ní jènde nε, ni teh nà mɔn ma nno bo mɔnɔn la, li te men uyensɔnge ni. La fenge men nib, ki la cère ni'yεnm ní saa. ¹⁵ Ama li dienɲ men Kristo lisel ni'fēl ni,

kime wɔn nε yé Yonbdaan. Li bondeh men ni'ba uyo ke unil niire' nε ni'dendenl ya tingi la, ní fre kí jiin udaan.

¹⁶ Ama ní li jiindeh nin liyenguol nin mibom. Li ɲmɔbe men iyenmaal mɔnmɔn, ɲɔ bà lienɲ ki saah nε isen iba ni, kí ñε ni yé Kristo yaab, ki ɲmɔbe mitetemɔnmɔnm mà nno bo nno ní ji ifε.

¹⁷ Nì yé Uwien ya yíem bo nε ni jinh ijend, kime ni teh nà mɔn nε la, nì mɔn ki cen' nin ní li teh nà bre ki jinh ijend.

Kristo faake' nin mikum

¹⁸ Kristo nin u'yul kpo' bolm miba kpein ne binib ya biere bo. Wɔn wà ɲa tien' nà bre nno tuo' ki teke' bà teh nà bre ya kuum ki kpo' ɲɔ wɔ ní taa ne kí baa Uwien saan. Bi ku' u'nisaalgbenent ama *Mifuoñaanm cère' u mekre' ki fuobe.

¹⁹ Mì cère' u jon' ki tì tɔke' bitenkpiib bà lùo ki te lipekɩ ni nno mɔnɔn tigbɛmɔnmɔnt. ²⁰ Ben si: binib bà là yìe' Uwien ya ñɔbu bó uyo bo nno, uyo wà Uwien là duɔn' u'yɛnm ki cère' nì wuɔke' nno ne. U là duɔn' u'yɛnm uyo wà Nowe là te ki teh buñercienbu nno ne. Binikàankaab ne là kɔn' buñerbu nno ki ɲmere' kí ñe miñunm bo. Bi'ke là te biniin ne.

²¹ Miñunm nno yé uñunsii wà ɲmiendeh ne fenfenno wuɔ nɔ ya nennɛnku ne. Na yé ñunsii wà ñendeh tigbenent ya jɔknt, nì yé unil ní taa u'ba kí de Uwien nin iyenmaalmɔnmɔn ne. U ya ñunsii ne ɲmiendeh kí ñe Yesu Kristo ya mekrm bitenkpiib ni bo. ²² U don' kutaaku bo ki tì kèle' Uwien ya nɔjie bó ki ɲmɔbe mituɔm Uwien ya tondb nin nà ke ɲmɔbe tí'cient nin mituɔm ke ya bol nno bo.

4

Ijend yà li tu Kristo yaab

¹ Tɔ, Kristo là tuo' ki jin' ijend u'gben ni. Nen bo, ni'mɔ ní li ɲmɔbe lifèl ki tuo' kí ji ijend ten wɔn, kime wà tuo' ki jin' ijend u'gben ni la, wɔn nin ibiere gbiere' ne, ² ɲɔ uyo wà sièn' wɔ ní li fuobe uɲendun wuu ni nno, wɔ ní li teh Uwien yíe nà, kí dàan unisaal fe nà. ³ Uyo uba, ni là teh bà ɲa pe Wien bo yíe nà, ne nì tì wuɔke'. Ni là teh lisɔnsɔndl ne, ki teh unisaal fe tibont tà, ki ñuh ki yibeh, ki jinh unifenjin, ki taakeh ki kaah, ki jinh ki ñuh ki yibeh, ki pe ibule bo. Ibule bo ya paanm yé ijuɔke ya bonn ne Uwien ya

nun bó. ⁴Fenfennə, bi laa' na ji tuuke bi'sənsəndkəndkaal nno bo ma nno, ne nì jin' be, bi ji sukreh ne. ⁵Ama bi li təkə wà bonde' wə ní bu binifuob nin bitenkpiib ke tibuur nno, bi sən' nà ke. ⁶Nen bo ne bi təkə' bitenkpiib mənən tigbəmənəmənt. Bi là kpo' binib ke kpuokeh ma bo ne. Bi təkə' be tigbəmənəmənt nno ɲə Mifuoñaanm bo be ní li fuobe ten Uwien ne.

Kristo yaab li fuobe ma nin bi'təb

⁷Tibont ke ya gbenm nek'n' ní ɲə! Nen bo, li ɲməbe men miyenfuom, kí li coh ni'ba ɲə kí li freh ki kàareh. ⁸Ni li kpié kí li teh nà si: li yíe men təb nin ni'fèl ke, kime miyíem cèreh binib fèreh təb ibiere yà yebe ne.

⁹Li teknh men təb kucènku ki la ɲulnh. ¹⁰Uwien de' unil ke bupaabu jeje ne. Wà ke ní li yé utonsənəmənəmən wà taah u laa' bupaabu búa nno ki toreh bitəb. ¹¹Wà ke ye wə ní len la, wə ní len Uwien ya gber. Wà toreh binib la, wə ní li toreh nin Uwien de' wə mituəm mà nno. Nen ne li cère *Yesu Kristo bo be ní pèke Uwien isen ke ni. Wən ne si ukpieke nin mituəm uyo ke. Ami.

Bà jèndeh Kristo bo nno, Uwien ya mənəm te bi'bo

¹²N'jətiebe, la cère men ni te ijendcien yà ni ì sienh ten umu nno ní cuo ne yəkm. Ì tu' ne ɲə nè ní wuən kí ye ni ɲməbe mitekjim mənəmənəm bii na ɲməbe ne? Nen bo, ni la li maaleh ki teh nì yé nibonlurkaann ne. ¹³Ama li poknh men, kime ninbi nin Kristo ne taan' ki jèndeh, ɲə lidaali là u li ñen u'kpieke upaan bo nno ní li te uyensəngcien ni ki poknh. ¹⁴Bi sukreh ne, kime ni yé Kristo yaab la, Uwien ya mənəm te ni'bo, kime *Uwien ya Fuoñaanm mà ɲməbe ukpieke nno te ni'bo. ¹⁵Ni'ni uba là cère be ní li jèndeh wə kí ye u ku' unil, bii u sun', bii u tien' niba nì bre, bii u kən' uba ya gber ni. ¹⁶Ama u yé Kristo yə ma nno ne bi jèndeh wə la, u la cère' fə ní cuo wə, wə ní li kpiekreh Uwien bi

yih wə Kristo yə ma nno bo. ¹⁷ Tibuur ya yo baa' ŋə, nɛ Uwien li kpɛ kɪ bu u'yaab nɛ. Tə, nì yé u cin' nin tinbi bà yé u'yaab la, bà yìe' ka teke' u'gbemənmənt nno yaam li ti fəre mila bo?

¹⁸ Nì yé:

«Ugbeməndaan ya ŋmɛrm li faake la, nì ji li te mila wà ŋa kpe Wien ya sɛn, ki yé ubierdaan bo?»

¹⁹ Nɛn bo, bi jèndeh bà Uwien ya yíem bo nno, bɛ ní li tuu ki teh nà mən, kɪ taa bi'ba kɪ ŋukn wən wà ñɛn' tibont kɛ, kɪ yé umeməndaan nno ya nuə ni.

5

Kristo yaab ya cienb li teh ma bo

¹ Fɛnfɛnno, n sureh bà yé Kristo yaab ya cienb ni'ni nno nɛ. Min mənən yé Kristo yaab ya cien nɛ tɛn bɛn, ki yé umənkunl Kristo jin' ijend yà kɛ nno bo, ki li ɛ Kristo li ñɛn u'kpɛke wà upaan bo nno. N sureh bɛn nɛ ki teh: ² «Li kpaah mɛn Uwien ŋukn' nɛ binib bà nno, kɪ li likeh bɛ, ki la cère nɛn li te tɛn nì yé liwəbl nɛ ni'bo, ama nè ní li yé ni'yɛnm ni, tɛn Uwien yé ma bo. Ni la sənɪ ki nuunh like, ama cère mɛn ni'yɛnm ní li pɛ lituonl nno bo. ³ Uwien nɛ taa' bɛ ki ŋukn' ni'nuə ni. Ni la ŋuuke bɛ tɛn ni yé bi'yondɛn bɛ, ama ní cère ni'tetɛm ní li wəngɛh bɛ, bi li teh ma bo.» ⁴ Nno nɛ Kristo wà yé bà kpaah u'nib ya cien nno li ñɛn u'ba upaan bo uyo wà nno, ni li ɛ lisuul là ŋməbe kuŋuərku kùa ŋa ní gben nno.

Kristo yaab kɛ li teh ma bo

⁵ Ninbi bifɛnbɛ ni'mə ní li blinh ni'yul bicienb ya nun bó.

Kristo yə kɛ Kristo yə ní li jiindeh u'ba tingi bitəb ya nun bó, kɛmɛ nì kɛle' *Uwien ya gbənkɛ ni ki ye:
«Uwien nɛn bà ŋməbe tigbɛngt, ama u teh bà jiindeh bi'ba tingi tinimənt.»

⁶ Nɛn bo, li jiindeh mɛn ni'ba tingi Uwien, mituɔm kɛ ya daan, ya nun bó ɲə wə́ ń kpiɛke nɛ u sien' uyo wà wə́ ń kpiɛke nɛ nnɔ. ⁷ Li taah mɛn nà kɛ ciɛke nɛ ki ɲukndeh wə́, kime wɔn nɛ likeh nɛ.

⁸ Li coh mɛn ni'ba, ki la gəh, kime ni'nennend usenpol te tɛn uyɛnbɔl nɛ, ki gbokeh ki lindah ni'ke saan ki nuunh unil wə́ ń cuo. ⁹ La cɛ̀be wə́ mɛn ni'ba, tùɔre mɛn kí li du Uwien bo, kí li ben kí ye ni'yaab Kristo yaab bà kɛ mɔ te uɲɛndun wuu ni nnɔ mɔ jèndeh tɛn ninbi nɛ. ¹⁰ Ni li jènde, ama na ń wuɔke kí gbien. Ni yé Kristo yaab ma nnɔ nɛ Uwien, tinimànt kɛ ya daan, yin' nɛ ní lɛ u'kpiɛke wà ɲa ɲmɔbe gbenm. Wɔn nin u'yul nɛ li mɔnge nɛ kí tì gben, kí de nɛ mituɔm, kí cère ni'tekjim ń faake, kí cère niba la fre kí jènge nɛ u'sɛn ni. ¹¹ Uwien nɛ si mituɔm uyo wà ɲa ɲmɔbe gbenm. Ami.

Micèbm

¹² Ti'ninje Silfɛn* wà n du u'bo nnɔ nɛ tore' nni n kele' iñɔbonkàanke yiɛ ń sure nɛ, kí tɔke nɛ kí ye Uwien ya paabu yé imɔn nɛ. Tùɔre mɛn kí li ɲuuke bù.

¹³ Ni'tɔb bà Uwien gènde' bɛ, bi te Babilonn ni nnɔ fuondeh nɛ. N'buk Mark mɔ fuondeh nɛ. ¹⁴ Ní fuonde tɔb mɔnmɔnm tɛn ninjieb nin ninsieɓ fuondeh tɔb ma bo.

Uwien ń de ninbi Kristo yaab kɛ uyɛnduɔn.

* 5:12 Liike Itùon 15:22, 40.

Uwien ya Jɔtiefɛ̀nku ya gbɔ̀nku

The New Testament in the Ngangam language of Togo

copyright © 2011 Wycliffe Bible Translators, Inc.

Language: Ngangam

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ngangam

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

Updates

eBible.org

PDF generated using Haiola and XeLaTeX on 17 Nov 2018 from source files dated 24
Aug 2018

f30fbe0b-cda1-5a60-a4ee-8be80c6caef6